

ნინო გორდელაძე, თინათინ კუხიანიძე  
თამარ ოთხმეზური, გვანცა ჩხერიძელი

# ნამდვილი და მოგონილი ამბები



საკითხავი და სავარჯიშოები მასუთავლასალთათვის



# სარჩევი

## ნაკითხულის გააზრება

დინოზავრები .....	4	ბერთი, რომელსაც ბიჭი დაეკარგა	
დინოზავრის ნაკვალევზე (ვ. შატერაშვილი) .....	6	ც. ყიფიანი.....	32
ღმილდაკარგელი ბიჭის ამბავი		გაზაფხულის ზღაპარი (ც. ყიფიანი)	42
(ნ. ცირამუა).....	12	„პატარა ეფლისწელის“ ავტორი.....	46
ქანდაკებები თბილისში, „ვეფხი და მოყმე“ .....	18	პატარა ეფლისწელი (ნაზყვაცი პირველი) .....	47
ბაბუას ფანქარი და ძველი ამბების		(ნაზყვაცი მეორე) .....	51
ოთახი (ა. ფორმანის მიხედვით).....	20	შეაფხოს ღამე (ა. კალანდაძე) .....	53
ისევ ბაბუას ფანქარი და იატაკევეშეთის		ანასებერი (ვ. კოტეტიშვილი) .....	53
ბინალართა ამბები .....	25	ქანდაკებები თბილისში, „მეზა“.....	56

## მნერლის სახელოსნო

თხრობის „მთავრეხილი“ .....	58	ცხოველების ამბავი .....	70
გმირები და ანტიგმირები .....	60	დეტექტივი .....	74
სასკოლო დღიური .....	64	მოქლე შინაარსი. ეკურძა დაჭედილი	
ყველა სურათი ამბავს მოგვითხრობს .....	68	(რ. ინანაშვილი) .....	76

ნინო გორდელაძე, თინათინ კუხიანიძე,  
თამარ ოთხმეზური, გვანცა ჩხენკველი

ნაგდვილი და მოგრძილი ამგები  
საკითხავი და საგარჯოშოები მესუთეკლასელთათვის

ბაკურ სულაკაურის გამომცემლობა  
თბილისი  
2015

რედაქტორი: ნინო ნეკერიშვილი  
ილუსტრატორები: ნათა კვარაცხელია,  
თეიმურაზ ფხიკიძე, ია მახათაძე  
ყდის დიზაინერი თამუნა თაოელაძე  
დიზაინერები: ია მახათაძე, თინათინ ბერბერაშვილი

© ბაკურ სულაკაურის გამომცემლობა, 2015  
ყველა უფლება დაცულია

შპს „ბაკურ სულაკაურის გამომცემლობა“  
აღმაშენებლის 150, 0112 თბილისი  
ტელ.: 291 09 54, 291 11 65  
ელ. ფოსტა: info@sulakauri.ge

GEORGIAN 5  
Activity Book

© Bakur Sulakauri Publishing, 2015  
All rights reserved.

www.sulakauri.ge

# ნაკითხულის გაზრება

ნიგნის ამ ნაწილში მოცემულია:

თქვენი ასაკისთვის შესაბამისი მხატვრული და  
შემეცნებითი ტექსტები, ასევე ილუსტრაციები,  
ფოტოები, ცხადი ინსტრუქციები და შეკითხვები  
ნაკითხულის გააზრების უნარის გასავითარებლად.

## ტექსტი 1

### დინოზავრები

დინოზავრი (ბერძნულად – „საშინელი ხვლიკი“) – მრავალი მილიონი წლის წინ დედამიწაზე მცხოვრები უზარმაზარი ქვენარმავალი. არსებობდა დინოზავრების სხვადასხვა სახეობა; მაგალითად: თეროპოდი („მხეცისფეხება“) – ხორციჭამია მტაცებელი ქვენარმავალი, რომელიც უკანა ფეხებზე აღმართული დადიოდა; მას ბასრი კბილები და ბრჭყალები ჰქონდა; ზავროპოდი („ხვლიკისფეხება“) – ყველაზე დიდი დინოზავრი პატარა თავით, ძალზე გრძელი კისრითა და კუდით; იკვებებოდა მცენარეებით. არსებობდნენ რქიანი დინოზავრებიც – ცერატოზავრები, რომლებსაც თავზე მოღუნული რქა ჰქონდათ, კისრისა და მხრების გარშემო კი – ვეებერთელა ძვლოვანი საყელო. რქით ისინი არა მარტო მტრისაგან იცავდნენ თავს, არამედ ერთმანეთსაც ებრძოდნენ.

დინოზავრები დიდ ჯგუფებად, ანუ ჯოგებად ცხოვრობდნენ. როცა ჯოგი ადგილს ინაცვლებდა, ყველაზე ძლიერი, ზრდასრული დინოზავრები ჯოგის კიდეებზე დგებოდნენ, პატარებს კი ცენტრში ათავსებდნენ და ასე გადაადგილდებოდნენ.

65 მილიონი წლის წინ დინოზავრები გადაშენდნენ. მეცნიერთა ნაწილი მიიჩნევს, რომ მათი გადაშენების მიზეზი დედამიწაზე კომეტის ჩამოვარდნა შეიძლება ყოფილიყო; ზოგიერთის აზრით კი, მათი გადაშენება დედამიწაზე კლიმატური პირობების შეცვლამ, მკვეთრმა აცივებამ განაპირობა.

დედამიწის თითქმის ყველა კონტინენტზე აღმოჩენილია დინოზავრების ნაშთები – ძვლები, გაქვავებული კვერცხები და ნაფეხურები. საქართველოში, ქუთაისის მახლობლად, სათაფლიაში სხვადასხვა ტიპის დინოზავრთა 200-მდე ნაფეხურია მიკვლეული. ეს ნაფეხურები დაახლოებით 120 მილიონი წლისაა. მეცნიერები დინოზავრებს მათი დღემდე მოღწეული ნაშთების მიხედვით შეისწავლიან.



# გაიაზრე:

1. რატომ პქონდა თეროპოდს კარგად განვითარებული ბრჭყალები და ბასრი კბილები?

---

2. რატომ პქონდა ზავროპოდს ძალზე გრძელი კისერი?

---

3. რაში იყენებდნენ ცერატოზავრები რქას?

---

4. რატომ დგებოდნენ ზრდასრული დინოზავრები ჯოგის კიდეებზე ერთი ადგილიდან მეორეზე გადანაცვლებისას?

---

5. დინოზავრების გადაშენების მიზეზი ნამდვილად დედამიწაზე კომეტის ჩამოვარდნა იყო?

- ა) არა      ბ) დიახ      გ) შესაძლოა

6. რა არის ამ ტექსტის მთავარი მიზანი?

ა) დინოზავრის ნაფეხურების აღმოჩენის ისტორიის გადმოცემა.

ბ) დინოზავრების შესახებ ძირითადი ცნობების მოწოდება.

გ) სიტყვა „დინოზავრის“ განმარტება.

7. როგორ ფიქრობ, საიდან არის ამორჩეული ეს ტექსტი? მონიშნე:

ა) ენციკლოპედიიდან      ბ) მოთხოვნების კრებულიდან

გ) ისტორიის სახელმძღვანელოდან

საკუთარი არჩევანი დაასაბუთე ტექსტის თავისებურების გაანალიზებით:

---

---

---

## ცეკვი 2

### დინოზაურის ნაკვალევზე

ნანატრი დილა გათენდა. ბავშვებმა დილაადრიან გაიღვიძეს და სწრაფად მოემზადნენ ლაშქრობისათვის. პაპა პეტრე უკვე დიდი ხანია ჰპირ-დებოდა მათ სათაფლის საოცრებათა სანახავად წაყვანას და ახლა თავის დანაპირებს ასრულებდა.

პაპა პეტრე, ნიკო და სანდრო სათაფლისაკენ მიმავალ გზას დაადგნენ. ნახევარი საათის სიარულის შემდეგ მოგზაურებმა თეთრი ბილიკი აიარეს და მაღალ სერზე შეჩერდნენ. მათ თვალწინ წარმტაცი კოლხეთის ველი გადაიშალა. სამხრეთით გამოჩენდა ნაბდოსნებივით მდგარი აჭარისა და გურიის მთაგრეხილები, ხელმარცხნივ გოლიათივით გაწოლილიყო ლიხის მთა.

— აი, იმ ფერდობსაც ავივლით და სათაფლიაში ვიქნებით, — გაამხნევა პაპა პეტრემ ბავშვები. მალე ქვის მინდორს მიადგნენ. ეს უცნაური მინდორი ოდნავ დაფერდებულ, ბუჩქნარით გარშემორტყმულ ადგილს წარმოადგენდა.

— დაახლოებით 120 მილიონი წლის წინათ, — დაიწყო პაპა პეტრემ, — იმ უძველეს დროში, რომელსაც მეცნიერები დედამიწის ცარცულ პერიოდს უწოდებენ, აქ ცხოვრობდნენ უზარმაზარი ცხოველები, დინოზაურები. იყვნენ ბალახის მჭამელი, უწყინარი დინოზაურებიც და საზარელი მტაცებლებიც, რომლებიც თავზარს სცემდნენ ძველი დროის დედამიწის სხვა ცხოველებს.



აბა, წარმოიდგინეთ, რა დიდი, მაღალი იქნებოდა მტაცებელი, რომელ-საც მარტო უკანა ტერფი თითქმის ნახევარი მეტრის სიგრძისა აქვს. აი, მალე მათ ნატერფალსაც გაჩვენებთ.

– რა დაემართათ შემდეგ დინოზავრებს? – იკითხა სანდრომ.

– დროთა განმავლობაში დინოზავრები გადაშენდნენ, ამონტყდნენ და მხოლოდ შემთხვევევით აღმოჩენილი ძვლებისა და ნატერფალების მიხედვით უხდებათ მეცნიერებს ამ საოცარი ცხოველების შესწავლა. დინოზავრების ნაფეხურები დედამიწის სხვა კუთხეებშიც არის აღმოჩენილი, მაგრამ სათაფლის ნაკვალევები ისე აშკარა, მკვეთრი და მრავალფეროვანია, რომ მსოფლიოში მას ბადალი არა აქვს. აბა, ახლა ნაკვალევებსაც მივხედოთ.

პაპა პეტრე ლოდიდან ჩამოხტა და კირქვის შრეებიან ფერდობს აჰყვა.

– აი, ჯერ აქედან გახედეთ, აგერ, ცხადად აღბეჭდილი ნაკვალევი. დინოზავრს, რომელსაც ამ შრეზე გაუვლია, თათზე სამი თითო ჰქონია. ხედავთ, სამთითა ნაფეხურებს, როგორ მიჰყვებიან ერთიმეორეს? აგერ კიდევ მეორე ნაკვალევი, აგერ მესამეც, მეოთხეც! აქ რამდენიმე ათეული ნაკვალევის დათვლა შეიძლება.

ბიჭები განცვითრებულები გაჰყურებდნენ ფილაქნებზე ნათლად აღბეჭდილ, თითქოს ქვაზე საგანგებოდ ამოკვეთილ ნაფეხურებს.

– როგორც ხედავთ, ამ ფერდობზე დინოზავრების მთელ ჯოგს ჩაუვლია.

გაოცებული ნიკო ერთ-ერთ ნატერფალთან შეჩერდა და რაღაც წაგრძელებულ ნაკვალევს დააშტერდა. პაპა პეტრე უმალვე მასთან გაჩნდა.

– ეგ დინოზავრის კუდის დანარტყამის კვალია.

ბიჭები გაფაციცებით უსმენდნენ ამ დაუჯერებელ, უცნაურ ამბავს.

– კი მაგრამ, რა ძალა და სიმძიმე უნდა ჰქონოდა დინოზავრს, რომ კუდის კვალიც კი ასე ნათლად დაუტოვებია ამ გაქვავებულ მინდორზე? – იკითხა სანდრომ.

პაპა პეტრემ კეთილად გაიღიმა.

– აი, შენ თქვი, გაქვავებულ მინდორზეო, ჰოდა საქმეც ის არის, რომ ეს მინდორი ახლა, მართლაც, გაქვავებულია, მაგრამ უნინ, უხსოვარ დროში, როგორც მეცნიერებმა დაამტკიცეს, აქ ზღვის ნაპირი ყოფილა.

– როგორ თუ ზღვის ნაპირი, ამ მთებში ზღვას რა უნდოდა? – განცვითრებით შეაწყვეტინა ნიკომ.

– ამ მთებში კი არა, როგორც ვიცით, მთელი კავკასია უნინ ზღვის ფსკერს წარმოადგენდა. ამ ადგილას კი მრავალი მილიონი წლის წინათ ზღვის ნაპირი ყოფილა. როგორც ხედავთ, აქ კირიანი ნიადაგია, სანაპი-

როც კირიანი სილით იქნებოდა დაფარული. კირიან სილაზე ზღვის მიქცევის დროს გაუვლია დინოზავრების უზარმაზარ ჯოგს. მათი ფეხის კვალი სველი კირის ლამზე ნათლად აღბეჭდილა. დროთა ვითარებაში ზღვის უკან დახევის გამო ეს ანაბეჭდები გაქვავებულა, ზედ მიწის ახალი ფენა გადაჰყორია, რამაც შეინახა ეს იშვიათი ნაკვალევი.

– რატომ არიან განსხვავებულნი სიდიდით, სილრმით და მოყვანილობით ნატერფალები? – შეეკითხა ელგუჯა.

– ეს, ცხადია, გამოწვეულია თვითონ დინოზავრების სიდიდით, მათი ასაკით. ჯოგში დიდებთან ერთად მოზარდი თაობაც იქნებოდა, რომლის ნატერფალი შედარებით პატარა ზომისაა. მაგრამ გარდა ამისა მეცნიერებმა ერთი და იმავე დინოზავრის ნატერფალშიც შენიშნეს სხვაობა – ზოგი განსაკუთრებით ღრმაა, ზოგიც – უფრო მსუბუქი, ზედაპირული. ეს გამოწვეულია იმით, რომ ცხოველი ყოველთვის ერთნაირად არ დადის. აქედან წარმოსდგა სიარულის და სირბილის ნაკვალევი.

ბიჭები გაოგნებულები უსმენდნენ პაპის მონათხრობს.

– ახლა ცოტა დავისვენოთ და მერე სათაფლის გამოქვაბულისაკენ გავწიოთ. იქაც დიდი საოცრება გველის, – თქვა პაპა პეტრემ და, ბავშვების ინტერესით ანთებული თვალების შემყურემ, სიამოვნებით ჩაიცინა.

გიორგი შატბერაშვილის „სათაფლიას“ მიხედვით



# გაიაზონე:

1. ამოიწერეთ ტექსტიდან ის წინადადება, რომელშიც ჩანს, რომ ბავშვები მოუთმენლად ელოდნენ სათაფლის საოცრებათა სანახავად წასვლას:

---

2. რას გულისხმობს ავტორი, როდესაც ამბობს: ლიხის მთა „გოლიათივით გაწოლილიყო“?

---

3. რატომ იყო უცნაური ის მინდორი, რომელსაც პეტრე პაპა და ბავშვები მიადგნენ?

ა) ის დაფერდებული იყო.

ბ) ის ბუჩქნარით იყო გარშემორტყმული.

გ) ის გაქვავებული იყო.

4. რა იყო ის უმნიშვნელოვანესი მიზეზი, რამაც განაპირობა დინოზავრის ნაკვალევის გაჩენა იმ ადგილას, სადაც ახლა სათაფლიაა?

ა) კირიანი სანაპირო

ბ) ზღვის ხშირი მიქცევა-მოქცევა

გ) მიწის ახალი ფენა

5. ისრებით დააკავშირეთ ერთმანეთთან, რა რის შესახებ გვაწვდის ინფორმაციას:

ნატერფალების სხვადასხვანაირი სილრმე (ღრმა და ზედაპირული)

დინოზავრების სიდიდის შესახებ

ნატერფალების რაოდენობა (რამდენიმე ათეული)

ჯოგში დიდი და პატარა დინოზავრების არსებობის შესახებ

ნატერფალების სხვადასხვა ზომა (დიდი და მცირე ზომის)

დინოზავრთა ჯოგის არსებობის შესახებ

ნატერფალების სიგრძე (ნახევარი მეტრი)

დინოზავრების სხვადასხვაგვარი მოძრაობის შესახებ

6. ნატერფალებთან ერთად კიდევ რა მიუთითებს იმაზე, რომ იმ ადგილას, სადაც პაპა პეტრე და ბავშვები იდგნენ, უძველეს დროში დინოზავრები სახლობდნენ?

ა) სათაფლიაში დინოზავრების გაქვავებული კვერცხების აღმოჩენა

ბ) გაქვავებულ მინდორზე დინოზავრის კუდის ანაბეჭდი

გ) დინოზავრთა ძვლების აღმოჩენა

7. მოთხოვთ ამოიწერე თუ წინადადება, რომელშიც ჩანს, რომ ბავშვები გაოცებულნი არიან ნანახითა და პაპა პეტრეს მონათხოვთ:

1. \_\_\_\_\_

2. \_\_\_\_\_

8. ამოიწერე ის წინადადება, რომელშიც ჩანს პაპა პეტრეს სიხარული, კმაყოფილება იმის გამო, რომ დინოზავრების ნაკვალევის ნახვამ ბავშვებში დიდი ინტერესი გამოიწვია.

\_\_\_\_\_

9. საიდან ვიგებთ ამბავს მეცნიერთა მიერ სათაფლიაში დინოზავრთა ნატერფალების შესწავლის შესახებ?

ა) პაპა პეტრეს მონათხოვთიდან

ბ) ავტორი თვითონ გვაწვდის ამ ინფორმაციას

გ) მეცნიერთა ჩანაწერებიდან

## დამატებითი დავალებები

- ამოიწერეთ ტექსტიდან გეოგრაფიული სახელები და მოძებნეთ ისინი საქართველოს ფიზიკურ რუკაზე.
- საბავშვო ენციკლოპედიიდან მოიპოვე ინფორმაცია სათაფლიის გამოქვაბულის შესახებ.

## შეკითხვები ორივე ტექსტის მიხედვით:

10. დინოზავრების შესახებ მოცემულია ორი სხვადასხვა ხასიათის ტექსტი:

- დინოზავრები
- დინოზავრის ნაკვალევზე

ამ ტექსტებიდან რომელი აღმოჩნდა შენთვის უფრო საინტერესო და რატომ?

მონიშნე შენი არჩევანი და დაასაბუთე საკუთარი თვალსაზრისი შენ მიერ

არჩეული ტექსტის მიხედვით.

---

---

---

---

---



11. რომელ ინფორმაციას ვხვდებით მხოლოდ პირველ ტექსტში?

- ა) დინოზავრები ჯოგებად ცხოვრობდნენ.
- ბ) არსებობდნენ როგორც მტაცებელი, ისე ბალანისჭამია დინოზავრები.
- გ) დინოზავრების გადაშენების მიზეზი დედამიწაზე კლიმატური პირობების შეცვლა იყო.
- დ) დინოზავრების ნაკვალევი აღმოჩენილია დედამიწის სხვადასხვა კუთხეში.



12. რომელ ინფორმაციას ვხვდებით როგორც პირველ, ისე მეორე ტექსტში?

- ა) მეცნიერები ცარცულ პერიოდს უწოდებენ იმ უძველეს დროს, როცა დედამიწაზე დინოზავრები ცხოვრობდნენ.
- ბ) დინოზავრები 65 მილიონი წლის წინ გადაშენდნენ.
- გ) დინოზავრების გადაშენების მიზეზი დედამიწაზე მეტეორის ჩამოვარდნაა.
- დ) სათაფლიაში აღმოჩენილი დინოზავრის ნაკვალევი 120 მილიონი წლისაა.

